

豫章叢書

第五六冊

卷之八

書

卷

八

卷

廬山紀事卷九

廣陵 桑喬 子木

山北由吳章山東北行至南湖觜

吳章山香爐峰紫雲菴

鷹觜崖東北爲吳章山

山疏吳章山者匡山之末也或謂之吳鄣山吳鄣者吳所保鄣也或曰山卑不足以言鄣蓋昔有吳章者家此山下旣死卽葬此山故名山巔有官亭吳章山東有小山亦名香爐峰然卑不甚著其上有紫雲菴

馬祖山馬祖寺香積寺大孤山

吳章山東南是爲馬祖山其上有馬祖寺其東有香積寺

山疏山特起南接茶山嶺趙清獻公有同國博周惇頤遊馬祖山詩

馬祖寺在馬祖山巔馬祖者唐僧道乙也初達磨直指明心教人授一人謂之單傳至慧能而傳始廣慧能再傳至道乙與希遷傳愈益廣乙之弟子入室者一百三十二人相傳乙常寓此山故以名寺

馬祖石馬祖泉馬祖洞白蓮池皆在馬祖山

香積寺西有虎洞與馬祖洞通

馬祖山水其一逕夏家橋女兒港入彭蠡湖其一逕廣信橋黃婆觜入彭蠡湖

馬祖山東北爲大孤山其側有女兒港

山疏大孤山在鄱湖濱其末突出湖心數十丈其北卽女兒港

女兒港不知其所由名在大孤湫可泊舟我明學士曾棨有女兒港詩

廣信橋在女兒港西北今崩圯

塔尖山龍泉寺仁壽寺金沙洲鞋山

吳章山東北有小山爲塔尖山其下有龍泉寺

九江志龍泉寺晉僧慧遠建元末兵燬洪武初僧祖觀重建龍泉在寺內**潯陽舊志**并卽晉僧慧遠以杖刺地出泉天旱誦龍王經致雨處也**四疏**十八高賢傳言慧遠構菴於西林之東以居曰龍泉精舍其後桓伊爲之請立寺曰東林則遠之龍泉卽今東林寺也蓋假託其名云

方竹大者可任爲杖

其東有仁壽寺

山疏寺不知何代建株橋在仁壽寺東北

又東北有金沙洲

山疏金沙洲在女兒港東北洲皆白沙水漬而日
映之粲如黃金色故名我聖祖與陳友諒戰鄱湖
時嘗艤舟於洲下友諒有術士能以術爲兵嘯風
揚沙風忽轉爲我友諒軍盡眯我師殲之洲上
龍泉之水逕株橋入方塘湖

金沙洲東大湖中有小山是爲鞋山

澤陽記山形如鞋高數十丈大禹嘗刻石紀功有
乞食鳥嘗逐客舟行舟人搏飯投之卽接食高下

不失水經注孤石介立大湖中上生林木而飛禽罕集言其上有玉膏可採所未詳也耆舊云昔禹治洪水至此刻石紀功或言秦始皇所勒石劉米元章眠雲二字

搜神記嘗有估客舟下都者過之見二女子謂曰至都幸爲我買兩鞞絲履估客意其神也至都卽爲市履盛以小筭并置書刀其中比還至廟薦筭履而去忘書與刀舟方帆去聲忽一鯉躍入舟剖之得刀與書

洞林山覆船山方塘湖

吳章山北爲洞林山

山疏陳友諒之攻南昌也嘗立柵於洞林之上屯健卒以扼鄱湖塞吳章山道其將嘗乘一白馬友諒敗其衆殲焉後遂爲厲每風雨中行者聞其上如有人聲皆畏惡之樵採者莫敢犯也山有石數十條亦當時遺物盡委棄榛莽中莫敢取有雷某氏者取數條歸以斃其新宅俄而其新宅火懼亟醺謝之而盡棄其石不用乃安村民禱祀者必先祈焉曰白馬將軍

洞林山北有邃谷曰破石

山疏 硤石路由兩山間隘而深如永巷過此卽沃野水竹森茂一佳境也

洞林山東北有小山曰覆船山其北有方塘湖

山疏 吳章山東北湖之名者以十數方塘湖最大東西長十數里其水東北流厯磨石壠入鄱陽湖陳和橋亦名黃荊橋在方塘湖北

長嶺陶九相公墓牛頭山

洞林山迤北有小山爲長嶺

山疏 磨刀澗在九江府東北五里所三起黃土諸小山北之水會而下流者也其上有橋近崩圯其

北卽白水港白水湖

長嶺者栗樹嶺之支也在磨刀澗東北蜿蜒行長可十七八里其支條分蟻糾曼衍不可枚數其濱江者皆遡水而西爲郡城屏護其最西盡乎湓浦之上郡城在焉其勢踴躍奔湊爲最勝云

長嶺之東有陶九相公墓

紀略至正壬辰天完將陶九以兵陷瑞州癸巳江西行省左丞火你赤復瑞州陶九敗走

山疏陶墓在長嶺之末方塘湖濱其地有九水會焉曰九龍灣相傳葬者陶九之大母非陶九也故

老云陶九大父葬烏風洞大母葬九龍灣今墓是也乃陶九不知死所亦不詳其墓處云墓所有社壇弘治前民惟祭社壇不祭墓正德中九江大旱有僧謂湖濱諸父老曰諸神能拯茲旱者惟陶九耳今其像乃在黃梅五祖寺之廡下諸父老怪之因相率往訪之果有像乃鑿沉香爲之者質具而未飾也相率迎歸飾而籲之果大雨因以爲土神而傳祀之祀事自茲始矣墓高僅一二尺村氓每歲以五月五日九月九日迎像祭墓曰九相公上塚墓有神靈無敢斬其丘木卽老木摧折臥地至

腐蠹無敢睨視而鄱湖故有鰓魚怪能鼓浪乘風
雨而飛歲率以九月上旬入方塘湖抵墓所而還
謂之胡墓來則風雨晦冥水驟湧魚棚木拱把者
當之皆斷折凡欲蓄魚方塘湖者必謹祀墓否則
其怪必潰堤裂閘引衆魚去

陶墓之東是爲牛頭山

山疏牛頭山在磨石壠東北麥苴湖在牛頭山西
長嶺之支東北出其上有敗垣曰高山廟

山疏廟西有安仁舖廟東北有桃花壠陶家山崇
德舖東北則至江磯山南湖濱

江磯山江磯寺南湖觜山

又東北爲江磯山

山疏江磯山北有銅錢灣其西有江磯湖舊有江磯寺今廢

江磯寺西南有迴風磯白石磯下石窩石窩之石乃在江水中水落則見柞港湖在下石窩西南港水出於搖旗壠搖旗亦因我聖祖戰鄱湖事然不可考柞港上流有老鴉橋其西南有金雞壠上石窩皆長嶺之支濱江西上者

又東北爲南湖觜山

田畝南湖菁山在鄱陽湖口山迤邐突出湖心數里左江右湖勢甚險東引鄱陽北俯楊家汙南控揚瀾左蠡諸山而與青山白石相望爲氣勢制禦水盜地甚要山水旦夕四皆之變陰晴顯晦不齊之觀境甚清

巡檢司在山北玄真鋪在山西

箭室在山半相傳乃我聖祖戰鄱湖時所造箭處也穴山爲室纍甍環之甍口皆內向厚覆以土其鏃皆銅鏃長二寸許人時有得之者巡檢司初居山麓嫌於兵在其首也惡之因徙居箭室傍夷室

爲地其甓皆糜碎惟一二存焉

將軍套港在南湖觜我師扼江時於此作浮梁以渡師或曰樹棚以過奔衝者也今棚木爲沙所壅猶見其杪云

實錄開國之初歲庚子天完將陳友諒弑其主徐壽輝而自立改國號漢都江州以兵襲龍江關大敗而還辛丑八月我聖祖遂親征友諒攻江州廖永忠造橋於舳曰天橋以舳傳城率軍士乘之入遂取江州友諒奔武昌其將胡廷瑞以南昌降壬寅以鄧愈爲江西行中書省參知政事鎮南昌三

月祝宗康太叛知府葉琛戰死四月徐達定南昌
五月命大都督朱文正統元帥趙德勝等與鄧愈
守南昌癸卯四月陳友諒以兵六十萬破江州攻
南昌朱文正等力戰禦之遣千戶張子明告急於
京師秋七月我聖祖復親帥舟師二十萬人西援
南昌友諒解圍東出鄱湖逆戰遇於康郎山徐達
迎敗其前鋒一巨艘死者千五百人達回守建康
戊子常遇春與漢人聯舟而戰俞通海縱火焚敵
舟二十餘艘而御舟膠於沙漠將張定邊直欲犯
御舟常遇春射退之水驟湧而御舟進俞通海來